



Broj predmeta: 13-002367/23
Broj akta: 01.1-1528ZN-005/23
Datum, 16.10.2023.. godine
Mjesto, Brčko

Na osnovu člana 16. i 17. Zakona o Vladi Brčko distrikta Bosne i Hercegovine („Službeni glasnik Brčko distrikta BiH“, broj: 27/23 - prečišćeni tekst), a u skladu s članom 45. stav (5) tačka c) Zakona o javnim nabavkama Bosne i Hercegovine („Službeni glasnik BiH“, broj: 39/14 i 59/22) i člana 33. stav (2) Instrukcije o organizaciji i internom postupanju u postupcima javnih nabavki u Brčko distriktu Bosne i Hercegovine („Službeni glasnik Brčko distrikta BiH“, broj: 3/23), na prijedlog Odjeljenja za javne poslove, gradonačelnik Brčko distrikta Bosne i Hercegovine donosi

ODLUKU O ISKLJUČENJU PONUĐAČA IZ UČEŠĆA U POSTUPKU JAVNE NABAVKE

Član 1.

1. Isključuje se Grupa ponuđača „BUK PROMET“ d.o.o. Bijeljina i „SAFIR“ d.o.o. Gacko, koju predstavlja „BUK PROMET“ d.o.o. Bijeljina, sa sjedištem ul. Stefana Dečanskog 302 Bijeljina, iz učešća u postupku javne nabavke nastavak radova na izgradnji objekta Gradski stadion (V faza izgradnje), broj nabavke: 13-002099/23 od 28.8.2023.godine, zbog utvrđenih nedostataka tokom prethodnog javnog ugovora, čija je posljedica bila Izjava o jednostranom raskidu ugovora.

2. Odluka stupa na snagu danom donošenja i primjenjivat će se u periodu od 12 (dvanaest) mjeseci, od dana donošenja.

Član 2.

Ova Odluka stupa na snagu danom donošenja i objavit će se u Službenom glasniku Brčko distrikta Bosne i Hercegovine.

Obrazloženje

Odjeljenje za javne poslove, nakon provedenog otvorenog postupka javne nabavke radova pod nazivom: „Nastavak radova na izgradnji objekta Gradski stadion u Brčko distriktu BiH (IV faza izgradnje)“, dana 18.02.2022. godine zaključilo je Ugovor o izvođenju radova, broj: 13-002159/21, broj akta: 03-1416RS-0046/22 od 16.02.2022. godine sa Grupa ponuđača „BUK PROMET“ d.o.o. Bijeljina i „Safir“ d.o.o. Gacko, koju predstavlja „BUK PROMET“ d.o.o. Bijeljina.

Rok za izvršenje radova po predmetnom ugovoru je bio 15 mjeseci od dana uvođenja izvođača u posao od strane Naručioca.

Ugovoreni iznos za realizaciju kompletnog Ugovora je 7.634.509,60 KM sa uračunatim PDV-om, a u ugovorenom roku (15 mjeseci) izvedeno je i fakturisano 22,96 % od ugovorenih radova odnosno 1.753.355,95 KM.

Uprkos opomenama Nadzornog tima za intenziviranjem radova i ukazivanja na lošu dinamiku Izvođač nije izveo ugovoreni obim radova u predviđenom roku zbog čega je i nastupio raskid ugovora. Nakon raskida Ugovora pokrenuta je procedura protestiranja bankovne garancije br. 1002901907 od 20.4.2022. godine, izdata od strane Nova banka a.d. Banja Luka na iznos od 2.290.352,88 KM sa

rokom važenja do 20.07.2023. godine, za uplaćeni avans (30% od ugovorenog iznosa) te naplata „penala“ u visini od 0,1% od ugovorene cijene, a maksimalno 5%, koja prema članu 10. tačka 2. pomenutog ugovora iznosi 50 dana (isteklo, zaključno sa 10.8.2023. godine).

S obzirom da Izvođač radova nije postupio u skladu sa navedenim odredbama Ugovora, stvoreni su uslovi za primjenu odredbi iz člana 10 stav (1) tačka 2. Ugovora gdje je navedeno da se ugovor raskida, ukoliko Izvođač kasni sa izvođenjem radova duže od perioda za koji se obračunava maksimalni iznos penala (50 dana), a zakašnjenje nije posljedica vanrednih okolnosti. Izvođač radova je dana 20.07.2023.godine uputio dopis, broj: 193/23 kojim traži produženje roka do 31.12.2023.godine, ne navodeći razloge kašnjenja i neispunjavanja ugovorenih obaveza i razloge za produženje roka. Naručilac je na navedeni dopis, dostavio odgovor, broj: 13-002159/21, broja kata. 03-1416RS-096/23 od 25.07.2023.godine u kome se navodi da se ne odobrava produženje roka te je krajnji rok izvođenja radova po predmetnom ugovoru 21.06.2023. godine od kada počinju da se primjenjuju kaznene odredbe navedenog Ugovora. Nakon isteka roka iz kaznenih odredbi u članu 4, stav 10. Ugovora, Izvođač je dana 10.08.2023. godine poslao Obavjest Naručiocu o završetku radova u kojoj je naveo da ugovorne radove prekida zbog nemogućnosti da ispoštuje termin ugovorenog roka.

Prema odredbi člana 125. stav (3) Zakona o obligacionim odnosima, kad je naručilac zahtjevao ispunjenje pa ga nije dobio u razumnom roku, može izjaviti da raskida ugovor.

Zbog neizvođenja radova u ugovorom definisanom roku (15 mjeseci), Naručilac radova, Brčko distrikt BiH, donio je Izjavu o jednostranom raskidu Ugovora o izvođenju radova, broj: 13-002159/21, broj akta: 03-1416RS-0046/22 od 16.2.2023.godine, potpisan 18.2.2022.godine, te u skladu sa članom 10. Ugovora zadržava pravo na naknadu štete.

Shodno naprijed navedenom, a primjenom odredbi člana 45. stav 5. tačka c) Zakona o javnim nabavkama („Službeni glasnik Bosne i Hercegovine“, broj. 39/14 i 59/22), kod Grupe ponuđača: „BUK PROMET“ d.o.o. Bijeljina i „SAFIR“ d.o.o. Gacko, koju predstavlja „BUK PROMET“ d.o.o. Bijeljina, sa sjedištem ul.Stefana Dečanskog 302 Bijeljina, utvrđeni su nedostaci tokom prethodnog javnog ugovora čija je posljedica bila Izjava o jednostranom raskidu ugovora o izvođenju radova, broj: 13-002159/21, broj akta: 03-1416RS-0046/22 od 16.2.2023.godine. i činjenicu da je Izvođač dana 10.08.2023. godine poslao Obavjest Naručiocu o završetku radova u kojoj je naveo da ugovorne radove prekida zbog nemogućnosti da ispoštuje termin ugovorenog roka, predlaže se isključenje ponuđača iz učešća u postupku javnih nabavki, kao u dispozitivu.

U skladu sa članom 45. stav (7) Zakona o javnim nabavkama („Službeni glasnik Bosne i Hercegovine“, broj: 39/14 i 59/22), Kandidat/ponuđač kod kojeg su ostvarene osnove za isključenje iz člana 45. stav (5) ovog zakona, može ugovornom organu dostaviti dokaze o mjerama koje je poduzeo kako bi dokazao svoju pouzdanost bez obzira na postojanje relevantne osnove za isključenje.

GRADONAČELNIK

prim.dr. Zijad Nišić

DOSTAVITI:

1. Kabinetu gradonačelnika
2. Ponuđačima po javnoj nabavci broj: 13-002099/23 (putem web stranice javnih nabavki)
3. Komisiji za javne nabavke
4. Odjeljenju za stručne i administrativne poslove
 - Pododjeljenju za javne nabavke
5. Odjeljenju za javne poslove
6. Evidenciji
7. Arhivi.

